

南潯志卷二十二

里人周慶雲纂

寓賢

元 潘公穎

明 范麟

袁袞

李樂

余津

周虞卿

沈選

龔元成

申用嘉

孫淳

黃周星

沈皇玉

潘爾夔

張隲

張道岸

清 周篆

茅星來

南潯志

卷二十二

寓賢

一

范璨

凌樹屏

吳山秀

金錫桂

周性

王國閻

張澹

吳鳴鏘

吳光熊

謝品

元

潘公穎

一作公隱

越人元末明初隱居潯南蜀人虞堪叔勝流厲吳

下恆往來茗上與公穎交頗密集中屢有贈詩

見虞山人詩集

明

范麟字國瑞號桂巖恩貢授儒學教諭成化間徵召賜六品官

辭由秀水遷于潯西卽今所稱范村橋卒葬禾城

范志

袁袞字永之號胥臺長洲人嘉靖丙戌進士選庶吉士汪志改刑

部主事調兵部坐失火下詔獄明詩綜編戍湖州過潯上題詩于

御書閣壁間嘗寓法華庵會赦歸以薦起補南京武選主事歷

職方員外郎出爲廣西提學僉事謝病歸年僅四十六而卒所

著皇明獻實四十卷吳中先賢傳十卷世緯二十篇論世緯一

卷世系八述修省集一卷歲時記一卷胥臺集二十卷汪志

李樂字彥和號臨川桐鄉人寄籍烏程館董氏和雲樓讀書拜

三莊給事董道醕其高弟也隆慶戊辰進士知新淦縣簡約坦

易民愛戴如父母擢禮科給事中改吏科忤張居正出爲福建

僉事歷江西廣西參議所至潔已愛民而懲墨吏不少貸告病

歸起尙寶卿不赴著見聞雜記於風土人心升降之際三致意

南潯志

卷二十一 寓賢

二

焉又著金川紀事烏青志拳勺園小刻年八十七卒祀鄉賢汪志

余津字濟之其先餘姚人徙海鹽至津徙潯南性穎敏一目輒

成誦不肯爲舉子業專爲歌詩皆亮節逸響不事生產家故貧

然晏如也所作潯溪漁唱膾炙人口後居吳江縱酒卒汪志

周虞卿一作奚卿失其名燕京人寓居潯之西莊村工書善弈薦紳

皆愛重之以韋布相對夷然也骯髒任俠好論天下事所料悉

奇中時脫人于險不令人知友人宋珏爲刻其詩百餘篇卒年

七十餘無子有九女其壻若沈選精于弈龔元成工于書皆得

其一體選字仲升崇禎庚午舉人石門縣教諭自杭州遷潯汪志

申用嘉字美中吳縣人文定公時行仲子爲董給諫館甥寓居

於潯由湖庠中浙闈萬歷壬子舉人歷官廣西參政范志

孫淳字長源號孟樸吳江吳淩人嘉興府學生少負才名張溥
楊廷樞張采朱隗諸人倡舉應社淳爲效奔走以襄厥事造一
舟顏曰渡青乘之周遊江浙一時有孫鋪司之目稍大之爲廣
應社至崇禎初年淳又與吳翮吳允夏沈應瑞等肇舉復社於
時雲間有幾社浙西有聞社江北有南社江西有則社又有歷
亭席社崑陽雲簪社而吳門別有羽朋社匡社武林有讀書社
山左有大社僉會于吳統合于復社始于戊辰成于己巳其盟
書曰學不殖將落毋蹈匪彝毋讀非聖書毋違老成人毋矜厥
長毋以辯言亂政毋干進喪乃身嗣今以往犯者小用諫大者
擯僉曰諾是役也淳渡淮泗歷齊魯以達于京師賢大夫士必
審擇而定襟契然後進之于社故溥之言曰忘其身唯取友是

南潯志

卷二十一

寓賢

三

急義不辭難而千里必應三年之間若無孟樸則其道幾廢蓋
先後大會者三復社之名動朝野淳勞居多然而斂怨深矣十
年正月蘇州民陸文聲疏陳風俗之弊皆原于士子倡立復社
以亂天下蘇州推官周之夔復訐奏溥等樹黨挾持至徐懷丹
之草檄并聲十罪以致討中有云或呼學究智囊或號行舟太
保傳檄則星馳電發宴會則酒池肉林所謂行舟傳檄皆指淳
言之迨社禍旣解社集亦輟年已老家又中落乃築梅館居于
潯爲別業常寓居焉以詩自娛順治三年卒有蘅草及梅館居
存草初集二集湖上聯句集賴潯溪董氏藏之得存此亦交遊

之力也

汪志

黃周星字九煙號圃庵上元籍廣東人幼撫于楚湘周氏名星

繫楚籍入成均崇禎癸酉舉北畿賢書南還泊金陵遇本生父
母庚辰成進士終周氏父母喪經理弟妹婚嫁畢謁選戶部主
事乃具疏復姓歸宗國變高隱不仕變名曰黃人字曰略似號
半非擬作將就二園稱將就主人又曰汰沃主人又曰笑蒼道
人布衣素冠寒暑不易流寓長興五遷而至南潯之墨溪賣文
自給工篆隸求者如市性耿介處交遊間語言不少假借喜施
與雖簞瓢屢空遇當阨者必多方濟之家益貧落康熙庚申春
年七十忽感愴傷心仰天歎曰嘻而今不可以死乎爲解蛻吟
十章自撰墓誌與妻孥訣忼慨命酒盡數斗大醉次日漫書謝
疊山宋室忠臣止欠一死吾今不死復何待家人時護持之五
月五日賦絕命詞數章遂投聞濤橋下賴救以免繼又赴水越

南潯志

卷二十一

寓賢

四

數日傷病死葬于潯世所稱獨樹墳是已著有唐詩快分驚天
泣鬼移人三集凡三十卷自編圃庵詩文芻狗齋集夏爲堂集
山曉閣詩集千家姓編瘦詞筭箋復姓紀事夏爲堂別集詞餘
唐宋八大家文備益蒙集又有夢史佚不傳子櫛字禹弓奉其

母返金陵

汪志

沈皇玉字玉汝吳江之震澤鎮人性孝友任俠嘗殲巨盜以雪
父恥與人交伉直無所隱早歲補諸生與於復社晚年寓潯之
墨溪與張雋閔聲張道岸稱石交著金剛心經二解鱸鄉詩文
集潯溪稿康熙丁未鄞人萬言至潯上與定交爲作七十壽序

臚舉生平學行甚詳

汪志

潘爾夔字友龍吳江之北麻人諸生時遊曹村過潯上愛其風

土崇禎癸未遂寓居于潯習稔舊聞因成潯溪文獻四卷爾夔
忼慨有風致能文工書莊允城慕之列其名于明書簡端偶與
允城有財帛交以致詬削其名得不罹禍鎮之有志自爾夔始
是後夏光遠陳可升莊學德張鴻寯方熊方燾董肇鏗屢次增
訂彙爲一編爾夔原本遂不復可識別矣又著涉江草

汪志

張雋字非仲一字文通蘇州諸生于經史百家無不得其旨趣
所與遊皆名彥樓居積書甚富手錄千餘卷擁列左右已則坐

臥其中

榴龕筆記

嘗綜括帝堯以來至明代事蹟爲三部畧數百卷

表弟董二酉字誦孫同居吳淞從雋講濂洛之學

王豫蘇詩徵

董說

豐草庵集有聞非翁卜居潯上之作

蠅鬚館詩話

後爲莊氏所招作

有明理學諸人傳其稿另錄出名曰與斯集禍未發時已知其

南潯志

卷二十一

寓賢

五

非逃于僧舍年已七十餘就逮時談笑自若與潘吳諸人同死

榴龕筆記

同時聞人有張道岸字懸渡一字閒度號閒鶴一號南村

雙林鎮志

性嗜酒少進輒醉醉卽喜畫蘭勃勃有生氣陸子黃嘗得

所畫懸之素壁忽發香滿室中因額其處曰蘭堂

府志

董漢策館

道岸於夕佳樓

汪志

爲苕溪四隱之一

雙林鎮志瀛南潯備志

慶雲按沈登

賢汪志以其居潯不久削之不錄然考舊刻本同岑集第七卷

署名潯水張道岸參道岸自署潯水其爲久居於潯可知又削

張雋凌樹屏亦見備志范麟申用嘉早見范志雖爾託足未

嘗久居而其人皆舊志所已有今亦列入徵之前例蓋猶汪志

清 周篆字籀書號草亭先世居青浦父澧字禹功號天頑避亂來

潯生篆年十七遷居松江華亭後復遷吳江之嚴墓穎敏好學

能爲詩古文弱冠後問道於顧炎武炎武以務本語之遂博究經史所作多關治體徧遊九州參文武幕府於所在河渠兵農錢穀之事益加諳練發爲詞章皆切中當時利弊而律度嚴密卓然成家年六十五歸里卒著有蜀漢書杜詩集說草亭詩文集等書

汪志

茅星來字豈宿號鈍叟又號具茨山人歸安之花林人明河南按察副使坤之後年近三十爲諸生屢絀於有司乃專攻經史欲以著述自見以朱子近思錄舊注未詳密遂爲之集注行止坐臥皆不輟歷二十餘年書成所著古文於國維民瘼反覆致意足爲後世勸懲少時嘗客授于潯南烏鎮徐氏潯北橋下張氏故常往來于潯後遂僑居潯之西交界壩橋與董氏世有連

南潯志

卷二十一

寓賢

六

晚年時相過從以暴疾卒于董氏豐草庵年七十無子

汪志

范璨字電文號約軒晚號松巖榜姓姚秀水人康熙癸巳恩

科舉人雍正甲辰進士入詞館以人才薦知大興縣縣故有隱

糧一案璨關白府尹發之布政使某不方以他事揭璨在

廷有白璨枉者特擢河南鄧州知州旁邑巨盜張連膂力絕

人吏不敢捕璨召瞽目退役某以計擒之再擢分巡廬鳳潁道

廬鳳境有飛蝗璨禱于神率吏民捕之忽有蟲似蝗而黑雜處

蝗中三日齧蝗爲盡陞直隸布政使授湖北巡撫移安徽或挾

千金追送江干不受且慮廉從爲奸自坐鷁首視其舟去遠乃

已入爲副都御史遷工部右侍郎奏弛富戶囤積之禁曰部議

青黃不接之時米價昂貴地方有司應諄切勸諭蓋藏充裕之

家令其酌留食用外陸續糶賣以濟民食請 敕下直省督撫轉飭地方官先行出示曉諭務使恪遵禁令陸續糶賣以平市價如有積米數多閉糶妨民者酌量勒令出糶臣思儉歲歉收青黃不接市價騰湧待哺嗷嗷地方有司自應勸諭富戶陸續糶賣以濟民食而平市價但大張告示勒令出糶保無姦頑之輩聲言 朝廷之惠愛窮民若此煽惑良善糾黨成眾或踵門凌辱或逞毆行凶或本屬小康而妄稱巨戶或稍留食用而指有餘藏或勾通地方總甲而私相勒詐或朋比衙門胥吏而裝點捏呈其尤甚者本其挾制之有因肆其搶奪之惡習是良善貧民未受其利而富民已大被其毒臣以爲宜用密札令地方官密勸富戶敦睦鄉里如數百石之家令其自家門首零星出

南潯志

卷二十一

寓賢

七

糶親自經理倘盈千累萬之戶令其附近村落分設糶局亦須零星出糶親自經理務使本地買食窮民得沾實惠如有樂于行善情願減糶者州縣官核其所糶若干所減若干酌其多寡量爲嘉獎或賚花紅或給匾額行善者多或統作一碑誌以爲鄉黨勸則貧者旣無挾制之緣而富者自多樂善之舉矣 上是其請部議准行之時乾隆九年十二月也又奏酌命盜處分之條核下江收漕之制並有裨于時政旋以葬親乞歸移家潯上居東柵大街所傳九老第是也復構樂志堂于皇御河西恭奉 御書松巖樂志扁額後以 南巡迎 駕屢蒙 優渥列于九老年八十七卒于丙戌 賜祭葬著有樂志堂集露涓篇

汪志

凌樹屏字保釐晟舍人幼卽穎異里中方興道古社時藝之外兼及詩古文詞年十五從其父後擬作梅花賦輒驚其前輩旋補邑廩生樹屏爲吾潯陸氏之自出嘗課徒於陸之是亦山房陸士渭董南谷皆奇其才樹屏亦以前輩事之不衰雍正未開博學鴻詞科縣令將以名上郡守少其齒罷之乾隆元年舉於鄉四年成進士選陝西咸陽知縣尋改嘉興府教授以終著有瓠息齋前集二十四卷後集若干卷其寓潯時所作爲疥壁集

沈登瀛南潯備志擬稿

吳山秀字人虬號晚青震澤歲貢生居湖濱因瀆村晚以貧故授經于潯始遷北鄉之姚田繼徙北姚家匯其教人時藝之外兼攻詩古文辭旁及六法繪事學者各得其所近施國祁邢典

南潯志

卷二十一

寓賢

八

溫一貞皆其高弟也著小梅花庵文集十二卷詩集六卷編年分錄集名甚多又著頤神齋題畫詩齋志而卒有孫遊幕于外老而歸目已雙瞽數年亦卒竟無後

汪志

金錫桂字伯辛號一山又號山甫震澤縣學廩生曹村人工四六及古文尤工詩敏才健筆千言輒就不煩繩削亦不耐苦思也不善生計授徒潯上十餘年窶困日甚道光甲午春將爲遠遊不果時沈登瀛於屋後營精舍徙藏書于其中榜曰兌庵爲講誦之所手纂鄉先輩詩文援錫桂爲助四月朔始來踰月而病病七日竟卒年五十登瀛爲營殯殮卽割兌庵居其妻子并謀及同人歲釀錢以給其衣食焉錫桂所著明史雜詠四卷溪雲閣詩十二卷文三卷詩餘一卷友人孫燮嘗選其詩百餘首

范錯與錫桂初未相識讀而愛之爲刊諸漢口汪志

周性字贊天號蘭園汪志 雜憶 按紀磊曉寒樓 作諱姓字贊夫諱國學生錢塘人寓

潯南質庫司會計事嘉慶丁卯秋倡捐設義塾於廣惠宮延師

訓寒微子弟以二十四人爲限每朔望肅衣冠至塾謁先師恭

讀聖諭廣訓一章覈功課以示懲勸始終如一不厭不倦性仁

愛雖昆蟲草木不忍傷家不甚裕人有求者無不應也後以病

謝事去未幾卒於家訃至雖販夫牧豎莫不歎息泣下義塾之

設前後凡八年卒後義塾遂廢紀磊曉寒樓 雜憶

王國閻字際輝號醒夫先世自徽州遷廣德再遷湖州幼明敏

父建初篤愛之甫成童就試遭父艱毀瘠逾禮貧不克卒學與

兄松舟賈于南潯友愛甚至有贏餘輒寄家以爲繼母甘旨客

南潯志 卷二十一 寓賢 九

久始占籍烏程家雖貧遇事必舉尤能濟物南潯師善堂掩骸

長生會施櫬及恤孤寡議捐振賙人之急靡不曲至嘉慶二十

三年宗祠圯與兄倡首得千金祠宇復远道光九年輯家乘凡

造莊實產立碣無不身任桐水王氏之得復振國閻之力居多

也節錄張鑑 王君家傳

張澹字耕雲一字更云號春水吳江盛澤人潯溪詩徵嘗寓居潯之

東總管堂采訪冊登臨風景四時皆宜曰昔人有言一片野心已

被白雲留住予固出岫之雲而不能作霖雨豈其有野心乎遂

顏之曰留雲閣沈登瀛留雲閣圖記澹幼孤力學寒暑不輟雖篷窗客邸

唵哦自若嗜畫入骨得同志錢志偉指授中年橐筆遊武林一

時才俊傾襟攬佩唱酬無間盛湖志 文苑傳其寓潯時張鑑沈登瀛董

蠡舟汪曰楨陸長春輩皆與訂交

澗溪詩徵

鑑為繪留雲閣圖登瀛

為之記

采訪冊

吳鳴鏘字鑄生吳江縣歲貢生工詩善書嘉慶戊子己丑歲寓南潯東藏寺顏所居曰麋月閣課徒自給與溫一貞張鑑友善

采訪冊

吳光熊字吉庭縣學生湖濱喬淩人寓居南柵工畫葡萄墨分五色時繪松鼠栩栩欲活研究醫理內外科均有心得行道來鎮兼課生徒家故貧而怡然自得晚年就上海蜚英書局校勘之席未幾卒於潯有子三仲與叔均早世其長賈于市不知所

終

夢坡文存

謝品字芝青上虞人瀏河甘草司巡檢罷官後寓南潯為人司

南潯志

卷二十一

寓賢

十

質庫好吟詠有才能任事果敏里中義舉常相助為理居三十餘年卒于潯有春池草堂詩文瀏湄唱和集

采訪冊

南潯志卷二十二終